

بولمش و بوضو رتله حبله کارلخی میدانه چیقمشدر اشته بوجمله
 زوالو انبذوقلبس احتیاطلوجه طورانیدیخی جهته خلق الوهبته
 ذاهب اوله جق ایکن حبله کارلخی آکلادیلر
 مع مافیه برچوق اوصاف حیده ایله متصف اولوب حب وطن
 وقناعت اصحابندن ایدی . پدری متونک وفاتندن صکره برصاحب
 خروج ظهور ایله اغریجانطه شهرینک زمام حکومتی الله المی
 استدکده انبذوقلبس درحال اهالی بی جمع و فسادک اوکنی الیدی
 و مساوات نه درجه ملتزمی اولدیغنی اثبات ایچون اموال موجوده سنی
 ثروتجه کندوسنک ما دوننده بولنلر ایله تقسیم ایلدی
 اشب و حکیم سکسان دردچی اولمیا د خلاننده شهرت بولوب
 اغریجانطه اهالیسی ابقای نامیچون برستاقوسنی یایدیلر و کندوسنی
 دائمایر ایله یادایدیلر ایدی . پک اختیار اولدیغنی حانده وفات ایدوب
 فقط قاج باشند اولدیغنی معلوم دکلدلر (منیف)

(تاریخ آبا صوفیه)

استانبولده کرک جسامت و کرک فن معماری و صنعتجه شایان
 دقت برچوق ابنیه و انارعتیقه موجود اولوب بولنلرک هربری
 اربابی عندنده برکنجینه عالمسادر . انار مذکورک اعظمی اولان
 ایاصوفیه جامع شریفنک تاریخی جمله یه و بالخصوص درس عادت
 اهالیسنه نسبتله سزاوار اطلاع اولدیغندن اولسانده کتب
 معتبره دن اسنباط ایده بیلدیکم معلوماتک عرض ویسانه

بحسرت قلندى
 قیصره رومدن (قسطنطینوس) استانبولی پایتخت انخذا ایتد کده
 شهر مذکورک محاسن طبیعه سنی ماکر صناعیه ایله تزین ایتک
 ارزوسیه پک چوق اینده و عمارات نفیسه تأسیس وانشا ایتدیردیکی
 صبره ده تحت حکمداری به جلوسندن بکرمی سنه صکره یعنی
 میلاد: اوچوز بکرمی یدی سنه سنه مر بع الشکل وسققی
 اخشاب اولوق اوزره بر معبد انشاعنه مبادرت ایدوب ختامنده حکمت
 بالغه الهیه به تخصیص ایله آيا صوفیه تسمیه ایلشدن بونک جسامتی
 جهته ایله بعض کسان بیوک کلیسا دخی (Μεγάλη Ἐκκλησία)
 دیرلایدی اول زمان مؤرخلرینک روایتنه نظرا آيا صوفیه ایمراطور
 مشارالیهک تأسیسات جسد سنندن بری اولوب ابتدا کی حالی
 اگر چه شمیدیکی بحسامت و منائنه مقبس دکل ایسده اول عصرده
 جله عندنده رهین تحسین اولشیدی قرق سنه مر ورندده یعنی
 اوچوز الی سکر سنه میلادیه سنده اول وقت یکی روما (Νέα Ρώμη)
 اسمیه معروف اولان استانبول شهری ککندجه کسب
 وسعت و معموریت ایتدیکی جهته آيا صوفیه نک دخی توسیعی
 لازم کلدیکنه و علی روایت بناسی پک متین اولوب اراقصده ظهور
 ایدن حرکت ارضدن منهدم اولد یغنه مینی (قسطنطینوس) ک
 خلق اولان اوغلی (قسطنطئوس) اولکندن ده ها واسع اوله رق
 تکرار انشاسنه مباشرت ایدوب اوچوز التمش سنه سنده ختام پذیر
 اولش اینسه ده بودفعه دخی چوق ککمه کسزین خاطی لقبیه ایله
 معروف (ابولیانوس) نام ایمراطورک قاعد صندالی حکومت
 (۱) روم اساننده (ایا) مقدس و (صوفیه) دخی حکمت دیمکدر

اولسسیله برابر تر به و کر سبسی منهدم اولمش و بونلر بعده مجددا
 پادشاه اولمش ایسه ده قنچی حکمدارک زماننده اولدیغی مجمل و لدره
 درت یوز درت سنه سی جزرائیک بکر هنجی کونی سرغمای ظهور
 اولان اختلالنده احراق اولمش ایسه ده یا لکن سققیله محراب
 طرفاری محترق اولوب سائر یرلری قوتارلش و حتی کرسی ایله
 بطریق صندالیه سی الحاقه هذه فنارده بطریقخانه کلبه سنده
 موجود بولمیشدر حریق مذکور دن صکره کوچک (طود و سیوس)
 هشتد فشین امپراطوری اولدقدن سققی کرلی اوله رقی مجددا
 انشا و درت یوز اون بس سنه سی کانون تائیسک اون برنجی کونی
 کشاد اولنوب یوز اون بدی سنه مدت پایدار اولدقدن صکره بشیوز
 اوتوز ایکی سنه سنده (جوسنیانوس) ک ایام حکومتنده ظهور
 ایدوب اوتوز بشیک ادم تلفی موجب اولان اختلال عظیم
 اثنا سنده ایاصوفیه دخی کلیا محترق اولمشیدی . اشبو اختلالک
 اندفاعدن صکره امپراطور مشارالیه اوله بر مخاطره عظیمه دن
 قورتلدیغندن طولانی شکرانه سلامت اولقی و ساحه عالمده
 کندوسنک بر یادکاری بولمقی اوزره اولکندن ده واسیع وجسم
 اوله رقی مجددا انشاسنه ابتدار و لوازمک تهیه وارسالچون بالجه
 مأمورین ملکیه سنه اوامر اکیده اصدار ایدوب بونلردخی مطلقا و بدن
 اعلاستون و احجار نفیسه و سائر اقتضا ایدن شیلری تدارک
 وارسال ایلدیلر

عرصه قدیمه سی کافی اولدیغندن اتصا لنده بولنان بعضی خانلرک
 اشتراسی لازم کلوب فقط بونلردن بعضلرینک صا جباری بو بایده
 موافقتدن امتناع ایتش اوللریله بوجره ده ظهور ایدن بعضی حاللرک

نقل و بیانی مناسب کور باشد در شویله که املاک مذکوره صاحبان برندن
بررسی (انا) اسمند بر طول خاتون اولوب کندوسنه خانه سنک
دک کردن زیاده آنچه تکلیف اولنش ایسه ده بروجهله ارضا
اولنه مامش و حتی از امانه سعی ایملک اوزره وکلای دولدن
بعض ذوات دخی نزدینه کوندولمش ایسه ده مخالفتنه
اصرار ایدوب تحصیل رضا سنه امکان بولنه مامش
اولد یغندن ایمراطور مشارالیه بالذات خانه سنه عزیمتله اولبا بده
اقتناعه مبادرت ایلد کده مر قومه تبدیل لسان ایله شو اصراری زیاده
الحق الملق و یا خود دیگر بر منفعت ماده استحصالی ایملک مقصدینه مینی
اولوب انحق یایله جق کلپسایه کمال حرمتدن ناشی خانه سنی
مجاا ترک ایدوب کندوسنک دخی اشبو معبد معظمک انشاسنه سعی
ایدنلردن معدود اولق شرفی احراز ایملک و بروجهله کلپساده
نامی خیر ایله یاد ایتدیر مک ارزوسنده اولدیغنی بیان ایتکله
ایمراطور مر قومه نک اشبونت خبریه سنی تحسین واستدعاسنی قبول
ایلله خانه مذکوری اخذ ایملشد

املاک مذکوره اصحابندن بررسی دخی انقبو خوس نامنده بر ادم
اولوب خانه سیچون ارباب خبره معرفتیه الی التون تخمین
و کندوسنه بمقدار دن زیاده آنچه تکلیف اولنش ایسه ده بروجهله
موافقت کوسر مامش و اولبا بده جبر الحق دخی استنلامامش اولدیغندن
بو کیفیت وکلای دولته موجب حیرت اولشیدی ایمراطورک خزینهداری
بو خصوصده ظهور ایدن مشکلاتی کورد کده خانه مذکوری
صاحبک رضاسیله اخذینی در عهده ایدوب شویله که صاحب
ملک مر قومک آن قوشوسنه زیاده مراقی اولدیغنی بیلدیکندن

واول اراق شایان تماشا بر قوشو اجرا سی مضم اولدیغندن قوشو
 کونی بر بهانه ایله مزبوری مجسمه القاقوشویه کیده بک خلق
 کذر کا هنه ناظر بر پنجره دن باقسنه رخصت اعطا ایتش و بیچاره
 حریف خلقک کروه کروه قوشو میدانشه کشد یکنی کورد کده
 بو محرومیته تحمل ایده میه رک نظم واسترحامه ابتدار وسیلی تخلیه
 اولنور ایسه در حال خانه سنی تسلیم ایده حکمنی وعد ایتدیکنندن
 سکسان اتون بدل ایله خانه مزبور اشترا اولمشدر ^{ان مشدر}
 اشترا سی لازم کلان خانه لدن برینک متصرفی (اکسوفون) اسمنده
 پردری اولوب مر قوم مال و شهرت تحصیلنه فوق الغایه حریص
 اولدیغندن خانه سنی مقابلنده دکرینه نسبتله یک زیاده اوله رق اون درت
 اتوندن بشقه ات قوشوسی کونی یوکسک بر صندالیه اوزرینه اوتوروب
 بکجه جک عربیه حیارک کندوسنه سرفروا ایتلر نی طلب ایلدی (غالباً
 و قتیله مر قوم ایله عربیه حیار بینه برواز کیدی اولوب یو صورتله
 تشفی عیظ ایتک استمدر) مر قومک شومده عاسی هر نقدر ملت مجلسی
 طرفندن قبول اولنماش ایسه ده دیگر صورتله ارضاسی چاره سنی دخی
 بولنه مدیغندن قوشو اثنا سننده تخت حکمدارینک ارقه سننده
 بر صندالیده اوتوردیغی حالده مرور ایدن عربیه حیار اجرای
 رسم تعظیم ایتک شرطیه ایترا طور مر قومک استدعاسی قبول
 ایلشدر . دیگر ایکی خانه صبا حیلری بلا مخالفه تخمین اولنان
 بدل مقابله سننده خانه لرینی ترک ایلشدر . مشکلات موجوده
 اولوجهله بر طرف اولدقدن صکره بشیوز اوتوز اوچ سنه
 میلادیه سی شیطاطک بکرمی او جنجی کونی اولوقت اصولی اوزره
 استریده و امثال حیوانات قبوقلری و کرج ایله مخلوط اولان اساسی

ایمپار مشالیه بالذات وضع ایتشدر (بقیه سی صکره) (قسط نطنیدی)

مصر اطبا سندن حسن محمود افندینک (مصر مکتب طیبیه سی)
عنوانیله فرانسزجه اوله رق یازمش اولسدیغی بررساله نك
ترجمه سیدر

جهله عندنده خنی اولمدیغی وجهله علمای عرب طب و ریاضیات
و علوم سائریه پك چوق خدمت ایدوب بالخصوص فن طبی
خیلی تعمیق ایتشدر

اطبای عرب علم مذکوره دأر اولان معلومات سالفدلینی توسیع
وقدما ی یونانندن اقتباس انوار علوم ایدرک اورو پالولزه پك چوق
اثر نافع ترك ایتشدر

عربلر علوم طبیه نك ترقیسنه ایکی وجهله همت ایتشدر
اولاضایع اولمش اولسه بردها استحصالی عظیم الامکان اولان
علوم و معارفی حسن محافظه و ثانیاً کمال استعداد لری
جهتله علم مذکوری کرکی کبی تحصیل ایتدکن بشقه اخذ
وتلقی ایتدکدی حالده براتیوب زیاده توسیع ایتشدر ۱۰ قرون
وسطاده هر طرفی جهالت اسنبعب ایتش اولسدیغی حالده
اطبای عرب فن طبی تدوین ایدوب اشبو معلومات مدونه
مؤخر اجلوه کر ساحه ظهور اولان طب جدیدك مبدا و اساسی
اولشدر

خلفای عباسیه زمانیده هر درلو علوم و خصوصیه فن طب